

# FAKKEL-FLITSE

Weeklikse nuusflitse vir 'n ingeligte Framesby-familie!



UITGAWE 225 · 12 MAART 2021

Kontakbesonderhede: mediasentrum@framesby.co.za

## UIT DIE HOOF SE KANTOOR

Beste Ouers

Ek haal Psalm 100 vers 5 aan: "Want die Here is goed, aan sy liefde is daar geen einde nie, sy trou duur van geslag tot geslag." Mag dit sentraal in ons lewens staan. Alle eer aan Hom!

Ek wil graag die volgende belangrike sake onder u aandag bring:

### A) SKOOLPROGRAM

Die bestuurspan het besluit om alle graad 11-leerders ook ten volle te laat terugkeer tot die normale skoolprogram vanaf Maandag, 15 Maart 2021. Dit sal dan slegs die leerders van graad 8 tot 10 wees wat op alternatiewe dae, soos aangedui op die program, kom.

### B) BL-VERKIESING

Die nuutverkose Beheerliggaam is soos volg:

Beer Gert  
Bezuidenhout Riaan  
Botha Mariaan  
Gouws Petra  
Kotze Dirk  
Strydom Masunet  
Terblanche Belinda  
Vosloo Wessel  
Westraadt Johan

Ons gelukwensing aan hierdie ouers wat verkies is tot die Beheerliggaam. My wens is dat hulle ondersteunend sal optree en sodoende, saam met die bestuur, die skool tot nuwe hoogtes sal neem.

### C) VOORKOMS

Ouers, ons vra u samewerking in hierdie verband. Op bladsy 131 tot 134, in ons dagboekie, word duidelike riglyne oor die voorkoms van ons leerders gegee. 'n Erge duwweltjie in die skoel, is die groot aantal seuns wat hul ongeskeerde voorkoms onder hul maskers probeer verbloem. Ek vra dat u sal toesien dat u seun skeer.

### D) KAFETERIA

Daar sal 'n tendervergadering vir die bedryf van die kafeteria op 17 Maart 2021 om 15:00 in die nuwe gebou van HS Framesby gehou word. Alle belangstellendes word na hierdie inligtingsvergadering uitgenooi. Indien u 'n tender wil insit, bespreek u plek vir die belangrike inligtingsvergadering telefonies by mev. L Smit by 0727962569 teen Dinsdag, 16 Maart 2021

### E) COVID-19

Ouers, ons moedig u aan om die volgende regulasies voortdurend met u kind te bespreek:  
- Dra van maskers.

**HIERDIE WEEK SE FAKKEL-FLITSE WORD MET TROTS GEBORG DEUR  
SUNRIDGE VILLAGE**



Centre Management:  
041 360 9442



Kragga Kamma Road,  
Sunridge Park



GENERATED POWER 24/7



- Sanitering van hande.

- Sosiale distansiëring.

Ons moet dit ook onder ons leerders se aandag bring dat die nakoming van hierdie maatreëls juis die personeel én ouers beskerm. Kom ons motiveer hulle om hierby te hou.

#### F) FINANSIES

’n Woord van dank aan elke ouer wat sy skoolfonds getrou betaal. Dit word opreg waardeer.

#### G) KOMMUNIKASIE TUSSEN SKOOL EN OUERS

Die skool het ’n oopdeurbeleid. Indien u nog enige vrae het, en u het reeds deur die regte kanale gewerk, kan u my enige tyd skakel of my kom besoek - selfs al het u nie ’n afspraak gemaak nie. Ek doen ’n beroep op u om nie die skool te bespreek wanneer iets pla nie, maar ons eerder te kontak en die ontevredenheid hier kom bespreek.

#### H) FAKKELFLITS

Ek moedig u aan om die Fakkelflits deeglik te bestudeer. Hier hou ons u op hoogte van alle gebeure en prestasies. Dit is op Framesby se facebook beskikbaar - dit is die plek om te wees!

#### I) AKADEMIE

Ek heg weer die rooster vir die toetse van die kwartaal aan, asook die toetsreeks. Bestudeer dit noukeurig en maak seker u kind(ers) is goed voorbereid.

#### J) GEBEDSGROEP - DONDERDAGOGGENDE

Ouers, ek nooi u uit om Donderdagoggende om 07:30 saam met ouers en die skoolhoof in die tennishuisie te kom bid. Dis ’n geleentheid waar ons die Framesby-familie aan ons Hemelse Vader opdra. U is baie welkom.

#### K) INSKRYWINGSVORMS – GRAAD 8 2022

Inskrywingsvorme vir voornemende graad 8-leerders vir 2022 is by die algemene kantoor beskikbaar. Indien u enige navrae van voornemende ouers ontvang, deel asseblief bogenoemde inligting aan hul mee.

#### L) KLEREWINKEL - TYE

Neem asseblief kennis van die tye van die klerewinkel: Maandae tot Vrydae 08:00 – 11:00.

#### M) WOLKSKOOL

Die onderwysers is in die proses om klaskamers op Die Wolkskool platvorm te skep. Leerders ontvang ’n kode of e-pos om deel te word van ’n klas. Leerders kan alreeds van Die Wolkskool platvorm gebruik maak. Dit is ’n wonderlike aanvullende hulpmiddel tot ons akademiese platvorm. Die sperdatum vir die finalisering van dié klasse is 23 Maart 2021.

Dankie vir u ondersteuning en geduld ook in hierdie verband.

#### N) WINTERSPORT

’n Volle wintersportprogram neem op Dinsdag, 23 Maart 2021 in aanvang. Die rooster volg in volgende nuusbrief.

#### O) KWARTAALPROGRAM/ALMANAK

Hou ook u oog op die kwartaalprogram/almanak wat in nuusbrief 5 vir u aangeheg is. Belangrike datums is hierin aangedui.

Ek dank u vir u volgehoue ondersteuning. Soos ek dikwels vir u sê: die toekoms van Hoërskool Framesby is blou en goud! Kom ons werk almal saam om dit so te hou.

Vriendelike groete



Marius Germishuys  
Skoolhoof

**TOETSREEKSROOSTER: 9-16 APRIL (AANGEPAS)**

	Sessie	9 April	12 April	13 April	14 April	15 April	16 April
gr. 8	1 09:00	TEG	LW	FW	AFR	GEO	EBW
	2 11:30	ENG	WISK		GESK		
gr. 9	1 09:00	GEO	TEG	EBW	WISK	FW	ENG
	2 11:30	AFR	GESK			LW	
gr. 10	1 07:30	ENG	LW	RTT	BS	VS	AFR
	2 13:00	FW	TOER	REK	DRAMA		IGO
gr. 11	1 07:30	BS	VS	LW	TOER	AFR	FW
	2 13:00	GEO	ENG	DRAMA	RTT	REK	IGO
gr. 12	1 07:30	LW	AFR	BS	FW	RTT	VS
	2 13:00	LW	REK	TOER	ENG	IGO	GEO

**WISKUNDE EN WISKUNDIGE GELETTERDHEID (KRITTE EN VISSE)**

Dinsdag 6 April Dag 7 Gr. 10 - 12 07:25-08:35 **ALMAL**  
34 lokale + toesighouers

Gr. 8 en 9 - skool begin 08:35

**MUSIEK (KRITTE EN VISSE)**

Woensdag 7 April Dag 8  
periode 6 + 2de pouse Gr. 10  
periode 4 + 1ste pouse Gr. 11  
periode 2 en 3 Gr. 12

**GEOGRAFIE (KRITTE EN VISSE)**

Donderdag 8 April Dag 8 periode 6 + 2de pouse Gr. 10

**IT**

Donderdag	1 April	Dag 7	periode 5 + 2de pouse	Gr. 12 Teorie
			periode 6 + 2de pouse	Gr. 11 Teorie (Kritte)
Dinsdag	6 April	Dag 7	periode 5 + 2de pouse	Gr. 12 Prakties
			periode 6 + 2de pouse	Gr. 11 Teorie (Visse)
Woensdag	7 April	Dag 8	periode 1	Gr. 11 Prakt. (Kritte)
			periode 5 + 2de pouse	Gr. 10 Teorie (Kritte)
Donderdag	8 April	Dag 8	periode 5 + 2de pouse	Gr. 10 Teorie (Visse)
			periode 1	Gr. 11 Prakt. (Visse)

**RTT (CAT)**

Woensdag	24 Maart	Dag 4	p1 , p5 , p7	Gr. 11 Prakties (Kritte)
Donderdag	25 Maart	Dag 4	p1 , p5 , p7	Gr. 11 Prakties (Visse)
Vrydag	26 Maart	Dag 5	p3 , p6 , p7	Gr. 12 Prakties

# DRIE LEERDERS IN OOS-KAAP OOP WATERSPAN



Xander Myburgh is in die Oos-Kaap Oop Waterspan opgeneem. Hy gaan aan die "SA Open Water Nationals" deelneem. Dit vind van 19-21 Maart plaas. By die geleentheid sal Xander in die 3km en 5km uitdunne swem. Die volgende Framesby leerders is ook in die span opgeneem: Katie Horne (Gr8) en Chloe Steyn (Gr9). Ons wens julle alle sterkte toe!

## INSKRYWINGS 2022



Inskrywings vir 2022 is oop. Aansoekvorms is beskikbaar by die algemene kantoor en op ons webtuiste. Skryf vroegtydig in om teleurstelling te voorkom!

## POTJIEKOS FONDSINSAMELINGSPROJEK

Die Framesby Fondsinsamelingskomitee (FFK) beplan 'n potjiekos fondsinsamelingsprojek vir die skool. Die volgende skenkings sal waardeer word: hout en kontant.

Skakel gerus vir Belinda by 082 781 2876.




# ILKE DANS HAARSELF IN S.A. KLEURE IN

Ilke Wolmarans (Gr.8) het verlede jaar haar Provinsiale kleure in dans ontvang. Gedurende Desember het sy haar SA kleure verwerf. Sy het toe gekwalifiseer om as deel van die SA Span aan die Talent America-kompetisie deel te neem. Alles was weens COVID onderste bo en deelnemers moes per video hul opnames stuur. 'n Groep beoordeelaars het dan na die video-opnames gekyk en hul beoordeling gedoen. Ilke het vir haar jazz-solo silwer verwerf en 'n goud toekenning vir haar groepdans ontvang.

Sy is vir haar solo- en groepdans uitgenooi om deel te vorm van die SA-span. Hulle het aan die virtuele Talent America Kompetisie deel geneem. Hier het sy 'n tweede plek vir haar solo-dans verower. Die groepdans het weereens met goud weggestap.



## INTERHUIS UITSLAE:



Framesby het hul eerste Covid Interhuis Atletiekbyeenkoms op Donderdag, 4 Maart, en Vrydag, 5 Maart, onder streng Covid-regulasies gehou. Ten spyte van geen toeskouers, optogte en "sing songs" nie was die deelname en prestasies uitstekend.

Huis Vis wen met 1271 punte.  
Huis Krit 965 punte.

Die volgende leerders het die meeste punte bymekaar gemaak:

**Senior dogters:** Monique van Rooyen

**Senior seuns:** Hugo Notnagel

**Junior dogters:** Christelle Stander

**Junior seuns:** Leander Terblanche

Rekords:

**200m seuns: o.14 Jade Rollison ( 24.97s**

– rekord was 25.00s

**Spiesgooi dogters: o.14 Christelle Stander ( 27.67m)**

– rekord was 24.77m

**Gewigstoot seuns: o.16 Jaco Pretorius ( 14.21m )**

– rekord was 13.77m

**Verspring seuns: o.17 Brian Ellard ( 6.88m )**

– rekord was 6.35m

# FRAMESBY MUSIEKDEPARTEMENT




*Justin Kindness*




*Stephan Naudé*



*Christopher Sebastian*



*Adrian Jonas*



*Nellie Brandt*



*Sonya Leurquain Steyn*



*Robert Gilman*

Die volgende deeltydse onderwysers sluit vanjaar by die musiekdepartement aan. Elkeen van hul is 'n spesialis-afrigter op die betrokke instrument(e) wat hul gaan aanbied. Ons glo dat elkeen hul tyd by Hoërskool Framesby baie gaan geniet en dat dit die begin van 'n lang en suksesvolle verbintenis gaan wees. Baie welkom aan elkeen van hierdie musiekpersoneel by die Framesby familie!

## **Justin Kindness – trompet en tjello**

Mnr. Kindness het in Oos-London grootgeword en skoolgegaan. Hy het sy Bmus (cum laude) sowel as onderwysgraad (cum laude) in 2019 aan Nelson Mandela Universiteit voltooi. Tydens sy studies was hy by verskeie musikale ensembles op beide trompet en tjello betrokke, en was ook die musiekteorie tutor vir drie jaar. Hy is tans lid van die swing-orke, 'Franky and the Misfits', wat in en om Port Elizabeth optree. Hy is ook 'n deeltydse musikonderwyser by Grey Junior en is opgewonde om deel van Framesby se lewendige musiekdepartement te word.

## **Stephan Naudé – klassieke en akoestiese kitaar**

Mnr. Naudé is gebore en getoë in Uitenhage en het aan HTS Daniël Pienaar gematrikuleer. Hy het sy BMus algemene graad in 2014 aan NMU voltooi. Vanaf 2012 begin hy om kitaarlesse by verskeie skole, asook privaatlesse, te gee. Van die skole waarby hy al betrokke was, is: Laerskool Albertyn, Hoërskool Brandwag, HTS Despatch, DF Malherbe, Theodore Herzl, St Dominics Priory, asook Hoërskool Framesby. In mnr. Naudé se eie woorde: "Ek voel daar is genesing vir elke individu in musiek en voel baie passievol oor hoe ons, ons eie unieke stem in musiek kan vind."

## **Christopher Sebastian – akoestiese en elektriese kitaar asook baskitaar**

Mnr. Sebastian is in Kimberley gebore, het in Durban grootgeword en in Port Elizabeth aan Hoërskool Westering gematrikuleer. Sy passie vir optrede en onderrig in musiek lei daartoe dat hy na skool 'n loopbaan in musiek begin volg. Nadat hy sy honneursgraad in onderwys behaal, het hy by skole soos Westering, Kabega Primêr sowel as CAMA-musiekskool onderrig gegee. Hy het ook sy eie privaat studio. Mnr. Sebastian glo dat musiek die mees spesiaalste manier is waarop 'n persoon hulself kan uitdruk en kommunikeer. Hy haal graag Jane Swan aan: "How is it that music can, without words, evoke our laughter,

our fears, our highest aspirations?" . Mnr. Sebastian is opgewonde om deel van die Framesby-familie te word.

### **Adrian Jonas – klarinet en saksofoon**

"I believe our life's purpose is to be the highest and truest expressions of who we are whilst embracing the constants of growth and change. As a teacher, I aim to use music and the arts to guide learners on their paths of life." Só beskryf mnr. Jonas sy filosofie rondom onderrig en leer. Mnr. Jonas het onlangs sy musiek-sowel as onderwyskwalifikasie aan Nelson Mandela Universiteit behaal en is reeds 'n paar jaar by verskeie skole in Port Elizabeth betrokke. Hoogtepunte in sy musiekloopbaan tot dusver sluit optredes saam met Lira en Judith Sepuma sowel as die Nasionale Jeugorkes in. Hy speel ook in verskeie ensembles. Mnr. Jonas is gretig om die nuwe seisoen in sy lewe en alles wat dit mag bring, te ondersoek en sien uit na sy tyd by Framseby.

### **Nellie Brandt – dwarsfluit**

Mev. Brandt het op Bethlehem in die Vrystaat groot geword en op 11-jarige ouderdom na Port Elizabeth verhuis. Sy het in 1998 as onder-hoofdogter van Hoërskool Framesby gematrikuleer. Sy het B.Mus Uitvoerend aan die Universiteit van Stellenbosch studeer met klavier as hoofvak. Daarna het sy 'n B.Mus Hons.in musiek-opvoeding behaal. Onder hoogtepunte in haar musiekloopbaan sonder sy twee uitvoerings as solis saam met die Kaapstadse Filharmoniese Orkes asook die Stellenbosch Simfonie-Orkes uit. Sy het ook verskeie meesterklasse deur internasionale maestro's bygewoon. Vanaf 2004-2009 het sy onderrig in musiek aan Collegiate Girls High gegee en het daarna hoofsaaklik op privaat onderrig gefokus. Mev. Brandt se filosofie rondom musiekonderrig is dat musiek vir 'n mens 'n wêreld van onbeperkte moontlikhede oopmaak, terwyl dit ook soveel konneksies met ons alledaagse lewe het. Ons lewens is dus baie nader aan musiek verbind as wat ons besef. Ons kan nie daarsonder nie!

### **Sonya Leurquain-Steyn – lae koperblaasinstrumente**

Me. Leurquain-Steyn is 'n musikant, onderwyser en navorser. Sy het in Oos-Londen skoolgegaan en aan Stirling High School gematrikuleer. Sy het 'n graad in Linguistiek sowel as 'n honneursgraad in Sielkunde aan die Universiteit van die Witwatersrand behaal. Tans is sy besig met haar B.Mus-grad aan Nelson Mandela Universiteit.

Me. Leurquain-Steyn het al op verskeie platforms opgetree, beide plaaslik en internasionaal. Sy was lid van die Nelson Mandela Simfonie-orke, NMU Blaasorkes, sowel as NMU koperblaas ensemble en verskeie ad hoc orkeste. Sy was in 2018 die eerste Suid-Afrikaanse verteenwoordiger om die Nederlandse Bastromboon Ope in Ede, Nederland by te woon, waar sy meesterklasse by verskeie internasionale maestro's ontvang het.

Me. Leurquain-Steyn is reeds 'n paar jaar besig met privaat onderrig, sy het al op verskeie platforms gepubliseer en rig tans ook koperblaas by Laerskool Sunridge af. Haar passie vir onderrig word deur haar liefde vir musiek gevoed, sowel as haar geloof dat "where words fail, music speaks".

### **Robert Gilmer – sang**

Mnr. Gilmer is in Port Elizabeth gebore en getoë en het in 2001 aan Hoërskool Framesby gematrikuleer. Hy het sy Diploma in musiek cum laude geslaag en 'n BMus-grad van Nelson Mandela Universiteit ontvang. Hy het ook verskeie kort kursusse in sangtegniek gedoen. Tans is hy besig met sy finale jaar in MMus Kontemporêre Uitvoerende Kuns. Mnr. Gilmer het vir 'n hele aantal jare in die NMU-koor gesing en dit was vir hom 'n hoogtepunt om saam met die koor in China te gaan sing. Om musiek deel van jou lewe te hê, is om 'n nuwe taal te leer wat met jou siel praat. Dit bring soveel genot vir jouself en mense wat dit aanskou. Dit is 'n gawe en voorreg om musiek te kan leer. In die woorde van Louis Armstrong: "Music is life itself".

Die musiekdepartement het ook twee voltydse vakmusiekonderwysers. Me. Marissa Roodt bied daarby ook klavier en viool aan en me. Zeta Strydom klavier, kerkorrel en klawerbord. Leerders kan ook sekere orkesinstrumente by die skool huur.

# MNR.ASPELING IN OP RUGBYSPAN

Nadat mnr. Aspeling al vir die OP rugbyspan in 2015 en 2019 uitgedraf het, is hy weereens gekies om die span te verteenwoordig. Mnr. Aspeling is 'n kranige rugbyspeler en het al vir spanne soos SWD, Grens, die Pumas en die Valke gespeel. Hy het ook oorsee ondervinding opgedoen en was vir 2 jaar in Italië en 'n jaar in Romenië. Saterdag speel die OP-span teen die Griquas en ons wens mnr. Aspeling alle sterkte toe met die wedstryd. Framesby staan bankvas agter jou!



# STUDENTESEENTRUM VORDERING:



## TENDERVERGADERING KAFETERIA



**Woensdag, 17 Maart 2021 | 15:00**  
**Nuwe gebou (Hek B - Willowbysingel)**

- Diegene wat belangstel om die kafeteria van Hoërskool Framesby te bedryf, word na die inligtingsvergadering soos hierbo gemeld uitgenooi.
- Volle Covid-regulasies sal geld.
- Bespreek u plek telefonies by mev. **L. Smit** by **072 796 2569** teen **Woensdag, 10 Maart**.
- Sluitingsdatum van tenders en alle inligting benodig vir tenders sal op die inligtingsvergadering deurgegee word.
- Die Beheerliggaam van Hoërskool Framesby behou hom die reg voor om nie die tender toe te ken indien daar nie 'n geskikte kandidaat is nie.



# FOTOJAARBLAD 2020

Die fotojaarblad van 2020 is by die algemene kantoor teen R100.00 beskikbaar. Dit sluit ook 'n gedenkblad van die afgelope 50 jaar in. Indien u nie in PE woonagtig is nie en belangstel om 'n fotojaarblad te bestel, kan u vir mnr.Rauch 'n e-pos by [wrauch@framesby.co.za](mailto:wrauch@framesby.co.za) stuur.



# FRAMESBY OUDSKOLIERE (FOS)



Beste Oudskoliere

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting [na fos@framesby.co.za](mailto:fos@framesby.co.za) sal e-pos.

NAAM EN VAN:

NOOIENSVAN:

ID-NOMMER:

JAARTAL GEMATRIKULEER:

ADRES:

PROVINSIE:

BEROEP:

TELEFOON:

SELFOON NR:

E-POSADRES:

## FRAMESBY KLEREWINKEL

**FRAMESBY  
MASKERS  
R50**



**BUFF  
R60**



DAAGLIKS OOP VAN 08:00 - 10:00



# Welkom by Die Wolkskool-familie!

Ons kondig met trots aan dat Hoërskool Framesby in 2021 vir elke kind in grade 8 tot 12 toegang gaan gee tot Die Wolkskool. Die Wolkskool is 'n inisiatief van die Solidariteit Skoleondersteuningsentrum (SOS) en is 'n aanlyn leerplatform met lesse in video-formaat, werkkaarte en aflaaibare werkboeke wat leerders in hul eie tyd, vanaf enige plek en teen hul eie pas aanvullend tot skoolonderrig kan deurwerk.

**#onsskoolwolkskool #ekwolkskool #altydhieromtehelp**



Die  
**WOLKSKOOL**





Lady J's  
BRIDAL STUDIO



## Matriekafskeid Tyd

Vir enige navrae oor  
jou droom rok  
besoek ons Facebook Blad  
of kom loer gerus in

Kontak ons vandag nog op  
083 258 7914 of  
041 360 3255



Kom ons vind saam die rok van jou drome



Ring & All

Lady J's Bridal Studio, Shop 23 Sunridge Village Shopping Centre,  
48 Kragga Kamma Road, Sunridge, PE  
083 258 7914 or 041 360 3255